

五行志第七下之下

漢書二十七

漢 護 軍

班

固

撰

唐議奏行秘書監環邪懸關子顏

師古 集註

隱公二年二月己巳日有食之穀梁傳曰
言日不言朔食晦公羊傳曰食二日董仲
舒劉向以為其後戎執天子之使師古曰凡伯周大夫

也隱七年天王使凡伯來聘戎伐凡伯于楚丘以歸鄭獲魯隱師古曰公羊傳
來渝平渝平墮成也曰吾成敗矣吾與鄭人未
有成狐壤之戰隱公獲焉所以不言戰諱獲也

滅戴

古十七
師古曰十年秋宋人蔡人衛人伐戴鄭伯伐取之戴國
今外黃縣東南戴城是也讀者多誤為戴故隋室置載
州師古曰四年衛州吁殺其君寧焉衛魯宋咸殺君師古曰十一年羽父使賊殺公子為氏
相二年春宋督弑其君與夷
左氏劉歆以為正月二日燕

越之分野也凡日所躔而有變則分野之

國失政者受之師古曰躔踐也音纏人君能脩政共御

厥罰則灾消而福至師古曰共讀曰恭御不

能則灾息而禍生師古曰息謂蕃滋也故經書灾而不

記其故蓋吉凶亡常隨行而成禍福也周

衰天子不班朔師古曰班布也魯歷不正置閏不得

其月月大小不得其度史記曰食或言朔

而實非朔劉放曰當作日或不言朔而實朔或脫

不書朔與日皆官失之也京房易傳曰云

師茲謂不御厥異日食其食也既並食不

一處誅衆失理茲謂生叛厥食既光散縱

畔茲謂不明厥食先大雨三日雨除而寒

寒即食專祿不封茲謂不安厥食既先日

出而黑光反外燭韋昭曰中無光四邊有明外燭君臣不通茲

謂亡厥蝕三既同姓上侵茲謂誣君厥食

四方有雲中央無雲其日大寒公欲弱主

位茲謂不知厥食中白青四方赤已食地

震諸侯相侵茲謂不承厥食三毀三復君

疾善下謀上茲謂亂厥食既先兩雹殺走

獸弒君獲位茲謂逆厥食既先風雨折木

日赤內臣外鄉茲謂背師占曰鄉厥食食且

五行志

兩地中鳴韋昭曰地中有聲如鳴耳或曰如狗子聲冢宰專政茲謂

因厥食先大風食時日居雲中四方亡雲

伯正越職茲謂分威師古曰伯讀曰霸正者長帥之稱厥食

日中分諸侯爭美於上茲謂泰厥食日傷

月食半天營而鳴韋昭曰食半謂食望也臣糞曰月食半謂食月之半也月食常

以望不為異也賊不得茲謂竭厥食星隨而下受命

之臣專征云試厥食雖侵光猶明師古曰試用也自擅

意也一說試與若文王臣獨誅紂矣韋昭曰是時紂臣尚

大司九八

未欲誅紂獨文王之臣欲誅之小人順受命者征其君云殺

厥食五色至大寒墮霜師古曰殺亦讀曰弒若紂臣順

武王而誅紂矣韋昭曰紂惡益甚其臣欲順武王而誅紂諸侯更制

茲謂叛師古曰更改也厥食三復三食食已而風地

動適讓庶茲謂生欲師古曰適讀曰嫡厥食日失位

光晦晦月形見師古曰晦音烏反見音胡電反酒一節茲謂

荒厥蝕尔青尔黑尔赤明日大雨發霧而

寒凡食二十占其形二十有四改之輒除

不改三年三年不改六年六年不改九年

推隱三年之食貫中央上下竟而黑臣弒

從中成之形也後衛州吁弒君而立桓公

三年七月壬辰朔日有食之既董仲舒劉

向以為前事已大後事將至者又大則既

先是魯宋弒君魯又成宋亂易許田亡事

天子之心楚僭稱王後鄭拒王師射相王

師古曰並已解於上又二君相篡師古曰謂厲公奔蔡而昭公入高渠彌殺昭公而立子亶

劉歆以為六月趙與晉分

晉灼曰周之六月今計二十八宿分其次度其月及所屬下皆以為例

參參晉分也畢趙也日行去趙遠入晉分多故曰與

先

是晉曲沃伯再弑晉侯

師古曰曲沃伯本相也成師之封號也其後遂

繼襲焉晉惠公二十年大夫潘父殺昭侯而納成師不克晉人立孝侯惠之四十五年成師之子曲沃莊伯伐

翼殺孝侯也

是歲晉大亂

師古曰相三年莊伯之子曲沃武公伐翼逐翼侯于汾隰

夜獲而殺之

滅其宗國

師古曰相八年曲沃武公滅翼遂并其國

京房易傳

以為相二年日食貫中央上下竟而黃臣弑而不卒之形也後楚嚴稱王兼地千里

五行志

師古曰楚武王荆尸父已見傳人此言莊始稱王未詳其說

十七年十月朔日

有食之穀梁傳曰言朔不言日食二日也

劉向以為是時衛侯朔有罪出奔齊

師古曰朔

衛惠公也相十六年經書衛侯朔出奔齊公羊傳曰得罪乎天子穀梁傳曰天子召而不往也

天子

更立衛君

師古曰謂公子黔牟

朔藉助五國舉兵伐之

而自立王命遂壞

師古曰莊五年冬公會齊人宋人陳人蔡人伐衛莊六年春王

公子突救衛夏衛侯朔入故公子黔牟于周是也

魯夫人淫失於齊卒

殺相公

師古曰失讀曰佚

董仲舒以為言朔不言日

惡魯相且有夫人之禍將不終日也劉歆

以為楚鄭分嚴公十八年三月日有食之

穀梁傳曰不言日不言朔夜食張晏曰日夜食則無景立

史推合朔在夜明日日日食而

出出而解孟康曰夜食地中出而止是為夜食劉向以為

夜食者陰因日明之衰而奪其光象周天

子不明齊相將奪其威專會諸侯而行伯

道師古曰伯讀曰霸其後遂九合諸侯師古曰解在郊祀志天子

使世子會之師古曰僖五年齊侯宋公陳侯衛侯鄭伯許男曹伯會王太子于首止是此

其效也公羊傳曰食晦董仲舒以為宿在

東壁魯象也後公子慶父叔牙果通於夫

人以劫公劉歆以為晦魯衛分二十五年

六月辛未朔日有食之董仲舒以為宿在

畢主邊兵夷狄象也後狄滅邢衛師古曰春秋閔元年

所立而邢遷于夷儀衛遷于楚立劉歆以為五月

二日魯趙分二十六年十二月癸亥朔日

有食之董仲舒以為宿在心心為明堂文

武之道廢中國不絕若綫之象也師古曰綫縷也音先

劉向以為時戎侵曹師古曰事在莊二十四年魯夫人

淫於慶父叔牙將以弑君故比年再蝕以

見戒師古曰比類也見顯也劉歆以為十月二日楚鄭

分三十年九月庚午朔日有食之董仲舒

劉向以為後魯二君弑師古曰謂子般為圍人所殺閔公為卜齮所殺

也夫人誅師古曰哀姜為齊人所殺兩弟死師古曰謂叔牙及慶父也狄

二五可志

滅邢師古曰巳解於上徐取舒師古曰僖三年徐人取舒舒國名也在廬江舒縣也

晉殺世子師古曰僖五年晉侯殺其太子申生楚滅弦師古曰僖五年楚人滅弦

弦國名也在弋陽劉歆以為八月秦周分僖公五年

九月戊申朔日有食之董仲舒劉向以為

先是齊桓行伯江黃自至師古曰伯讀曰霸江黃二國名也僖二年

南服彊楚齊侯宋公江人黃人盟于貫傳曰服江黃也江國在汝南安陽縣黃國在弋陽縣

其後不內自正而外師古曰僖四年齊侯以諸侯之師侵蔡遂伐楚盟于邵陵

執陳大夫則陳楚不附師古曰邵陵盟後以陳轅濤塗為誤軍而執之

大經年三

陳不服罪故伐之楚自是不復通鄭伯逃盟師古曰僖五年秋齊侯與諸侯盟于首止鄭伯

逃歸不盟諸侯將不從桓政故天見戒其後晉滅

號師古曰事在僖五年楚圍許諸侯伐鄭師古曰事並在僖六年晉

弑二君師古曰謂里克弑奚齊及卓子狄滅温師古曰温周邑也僖十年狄滅之

楚伐黃師古曰僖十一年黃不歸楚貢故伐之桓不能救劉歆以

為七月秦晉分十二年三月庚午朔日有

食之董仲舒劉向以為是時楚滅黃師古曰事在十

二年夏狄侵衛鄭師古曰僖十三年秋侵衛十四年狄侵鄭莒滅杞師古曰

五行志

曰僖十四年諸侯城緣陵公羊傳曰曷為城杞滅也孰滅之蓋徐莒也劉歆以為三

月齊衛分十五年正月日有食之劉向以

為象晉文公將行伯道師古曰伯道讀曰霸後遂伐衛

執曹伯敗楚城濮師古曰事並在二十八年再會諸侯師古曰二

十八年五月盟于踐土冬會于温召天王而朝之師古曰晉侯不欲就朝王故召王使

來經書天王狩于河陽此其效也日食者臣之惡也夜

食者掩其罪也以為上三明王桓文能行

伯道攘夷狄安中國師古曰伯道讀曰霸攘却也雖不正猶

可蓋春秋實與而文不與之義也董仲舒

以為後秦獲晉侯師古曰晉侯夷吾也僖十五年十一月晉侯及秦伯戰于韓秦

獲晉侯齊滅項師古曰事在公羊傳僖十七年項國今項城縣是也楚敗徐

于婁林師古曰事在僖十五年冬婁林徐地劉歆以為二月朔齊

越分支公元年二月癸亥日有食之董仲

舒劉向以為先是大夫始執國政師古曰謂東門襄仲

也公子遂如京師師古曰事在僖二十一年報宰周公之聘後楚世

子商臣殺父齊公子商人弒君皆自立師古

曰已解於上宋子哀出奔師古曰宋子哀宋卿高哀也

十四年晉滅江師古曰春秋文四年楚人滅江今此云晉大夫詳其說楚滅六師古

曰六國名也在廬江六縣又五年楚人滅之大夫公孫敖叔彭生並

專會盟師古曰文七年冬公孫敖如莒位盟十一年叔彭生會卻缺于承匡公孫敖子孟穆伯叔彭

生叔仲惠伯也劉歆以為正月朔燕越分十五年六

月辛丑朔日有食之董仲舒劉向以為後

宋齊莒晉鄭八年之間五君殺死師古曰文十六年宋

弒其君杵臼十八年夏齊人弒其君商人冬莒弒其君庶其宣二年晉趙盾弒其君夷臯四年鄭公子歸生弒

六年

其君夷也楚滅舒蓼劉歆以為四月二日魯衛

分宣公八年七月甲子日有食之既董仲

舒劉向以為先是楚商臣弑父而立至于

嚴王遂彊諸夏大國唯有齊晉齊晉新有

篡弑之禍內皆未安故楚乘弱橫行八年

之間六侵伐而一滅國師古曰六侵伐者謂宣元年侵陳三年侵鄭四年伐

鄭五年伐鄭六年伐鄭八年伐陳也一滅國者謂八年滅舒蓼也伐陸渾戎觀兵

周室師古曰宣三年楚子伐陸渾之戎遂至于洛觀兵于周疆觀兵者示威武也後又

入鄭鄭伯肉袒謝罪北敗晉師于邲流血

色水師古曰事並在十二年邲鄭地色水謂血流入水而變水之色也邲音蒲必反圍宋

九月析骸而炊之師古曰事在十五年炊爨也言無薪樵示困之甚也劉

歆以為十月二日楚鄭分十年四月丙辰

日有食之董仲舒劉向以為後陳夏徵舒

弑其君師古曰弑靈公也事在十年楚滅蕭師古曰蕭宋附庸也事在十二年

晉滅二國師古曰謂十五年滅赤狄也王札子殺召

伯毛伯師古曰事在十五年劉歆以為二月魯衛分十

七年六月癸卯日有食之董仲舒劉向以

為後邾支解鄆子師古曰十八年邾人救鄆子于

斷其骨節晉敗王師于貿戎師古曰事在成元年敗齊于鞏

師古曰事在成二年劉歆以為三月晦眊魯衛分服虔曰眊相規

也口晦食為眊臣瓚曰志云晦而月見西方曰眊以此名之非日食晦之名也師古曰眊音作了反成公

十六年六月丙寅朔日有食之董仲舒劉

向以為後晉敗楚鄭于鄆陵師古曰事在十六年鄆陵鄭地

執魯侯師古曰已解於上劉歆以為四月二日魯衛

分十七年十二月丁巳朔日有食之董仲

舒劉向以為後楚滅舒庸師古曰事在十七年日食之後舒庸蓋羣

舒之一種楚與國也晉弑其君師古曰謂厲公也事在十八年宋魚石因

楚奪君邑師古曰魚石宋大夫也十五年出奔楚至十八年楚伐宋取彭城而納之莒滅

鄆齊滅萊師古曰事並在襄六年鄆萊皆小國鄭伯弑死師古曰鄭僖公也襄

七年會于鄆其大夫子駟使賊夜殺之而以瘞疾赴鄆音為劉歆以為九月周

楚分襄公十四年二月乙未朔日有食之

董仲舒劉向以為後衛大夫孫甯共逐獻

公立孫剽

孟康曰剽音驃師古曰孫林父寗殖逐獻公襄十四年四月出奔齊而立剽剽穆公

之孫也剽又音匹妙反

劉歆以為前年十二月二日宋

燕分十五年八月丁巳朔日有食之董仲

舒劉向以為先是晉為雞澤之會諸侯盟

又大夫盟後為溴梁之會諸侯在而大夫

獨相與盟

師古曰並已解於上

君若綴旒不得舉手

應劭

曰旒旌旗之流隨風動搖也師古曰言為人所執隨人東西也

劉歆以為五月二

日魯趙分二十年十月丙辰朔日有食之

五行志

董仲舒以為陳慶虎慶寅敵君之明

師古曰二慶並

陳大夫也襄二十年陳侯之弟黃出奔楚將出呼於國曰慶氏無道求專陳國暴蔑其君而去其親五年不滅

是無天也

邾庶其有叛心

師古曰庶其邾大夫

後庶其以漆

閭丘來奔

師古曰事在二十一年漆及閭丘邾之二邑

陳殺二慶

師古

曰二十二年陳侯如楚公子黃誼二慶楚人召之慶氏以陳叛楚屈建從陳侯圍陳遂殺二慶也

劉歆

以為八月秦周分二十一年九月庚戌朔

日有食之董仲舒以為晉欒黶將犯君後

入于曲沃

師古曰已解於上

劉歆以為七月秦晉分

十月庚辰朔日有食之董仲舒以為宿在

軫角楚大國象也後楚屈氏譖殺公子追

舒師古曰公公子追舒楚令尹子南也二十二年楚殺之齊慶封脅君亂國

師古曰慶封齊大夫也二十七年使盧蒲癸帥甲攻崔氏殺成及彊盡俘其家崔杼縊而死自是慶封當國專

執政也劉歆以為八月秦周分二十三年二

月癸酉朔日有食之董仲舒以為後衛侯

入陳儀師古曰衛侯衍也前為孫甯所逐二十五年入于陳儀陳儀衛邑左傳云夷儀甯

喜弒其君剽師古曰二十六年甯喜殺剽而衍入于衛喜甯殖子也劉歆

五行志

以為前年十二月二日宋燕分二十四年

七月甲子朔日有食之既劉歆以為五月

魯趙分八月癸巳朔日有食之董仲舒以

為比食又既師古曰比類也象陽將絕孟康曰陽君也夷狄

主上國之象也後六君弒師古曰謂二十五年齊崔杼殺其君光二

十六年衛甯其君剽二十九年閻殺吳子餘祭三

十年蔡太子弒其君固二十一年莒人弒其君密州

昭元年楚令子圍而殺之楚子果從諸侯伐鄭師古曰

年冬楚子蔡侯滅舒鳩師古曰二十五年楚屈建帥

陳侯許男伐鄭

滅舒鳩

師滅舒鳩亦羣舒一種

魯往朝之

師古曰二十年八年公如楚

卒主中國

師古曰謂楚靈王以昭四年與

諸侯會

伐吳討慶封

師古曰慶封以二十八年為慶舍之難自齊出奔魯遂奔于申

吳至申之會楚靈王伐吳執慶封而殺之

劉歆以為六月晉趙分二

十七年十二月乙亥朔日有食之董仲舒

以為禮義將大滅絕之象也時吳子好勇

使刑人守門

師古曰吳子即餘祭也刑人閹者

蔡侯通於世

子之妻

師古曰即蔡侯固為太子所殺者也

甚不早立嗣

師古曰即密州也生

去疾及展輿既立展輿又廢之

後閹戕吳子

師古曰戕傷也它國臣來弑君曰戕音牆蔡

五行志

世子般弑其父莒人亦弑君而庶子爭

師古

曰展輿因國人攻其父而殺之展輿即位去疾奔齊明年去疾入而展輿出奔吳並非嫡嗣故云庶子爭劉

向以為自二十年至此歲八年間日食七

作禍亂將重起

師古曰重音直用反

故天仍見戒也

師古

曰仍頻也後齊崔杼弑君

師古曰已宋殺世子

師古曰宋

平公太子痤也

北燕伯出奔

孟康曰有南燕故言北燕南燕姑姓北燕

姬姓也師古曰昭二年北燕伯款出奔齊

鄭大夫自外入而篡位

師古曰謂

伯有也已

拍略如董仲舒劉歆以為九月周

大司馬

卷之六

五

楚分昭公七年四月甲辰朔日有食之董

仲舒劉向以為先是楚靈王弑君而立會

諸侯師古曰已執徐子滅賴師古曰申之會楚人執徐子遂滅賴後

陳公子招殺世享師古曰招成公子哀公弟也昭八年經書陳侯之弟招殺陳太

子偃師偃師即哀公之子也招音韶楚因而滅之師古曰偃師之死哀公縊其九月楚公子

棄疾奉偃師之子孫吳圍陳遂滅之又滅蔡師古曰十一年楚師滅蔡也執太子有以歸用之

後靈王亦弑死師古曰十三年楚公子比弑其君虔于乾谿是也劉歆

以為二月魯衛分傳曰晉侯問於士文伯

五行志

曰誰將當日食師古曰士文伯晉大夫伯瑕對曰魯衛惡

之衛大魯小公曰何故對曰去衛地如魯

地於是有災其衛君乎魯將上卿是歲八

月衛襄公卒十一月魯季孫宿卒晉侯謂

士文伯曰吾所問日食從矣可常乎師古曰從謂如

士文伯之言也可常謂常可以此占之不對曰不可六物不同民心

不壹事序不類官職不則同始異終胡可

常也詩曰或宴宴居息或盡賴事國如傳曰賴古悴

字也師古曰小雅北山之詩也宴宴其異終也如
安息之貌也盡悴言盡力而悴病也

是公曰何謂六物對曰歲時日月星辰是

謂公曰何謂辰對曰日月之會是謂公曰

詩所謂此日而食于何不臧何也師古曰小雅十月之

交之詩也對曰不善政之謂也國無政不用

善則自取適于日月之灾師古曰適讀曰適故政不

可不慎也務三而已一曰擇人二曰因民

三曰從時此推日食之占循變復之要也

五行志

易曰縣象著明莫大於日月師古曰上繫之辭也是故

聖人重之載于三經師古曰謂易詩春秋於易在豐之

震曰豐其沛日中見昧折其右肱亡咎服虔

日日中而昏也師古曰此豐卦九三爻辭也言遇此灾則當退去古咎之臣乃免咎於詩十月

之交則著卿士司徒下至趣馬師氏咸非

其材師古曰十月之交詩曰皇父卿士番維司徒繫維趣馬攝維師氏豔妻煽方處司徒地官卿也

掌邦教趣馬中士也掌王馬之政師氏中大夫也掌司朝得失之事番斲攝皆氏也美色曰豔豔妻褒姒也豔

或作閻閻亦嬪妾之姓也煽熾也詩人刺王淫於色故皇父之徒皆用后寵而取職位不以德選也趣音千后

反壓音居衛反搗音居禹反番音扶元反

同於右肱之所折慄於三

務之所擇明小人乘君子陰侵陽之原也

十五年六月丁巳朔日有食之劉歆以為

三月魯衛分十七年六月甲戌朔日有食

之董仲舒以為時宿在畢晉國象也晉厲

公誅四大夫失衆心以弒死

師古曰四大夫謂三郤及胥童也胥

童非厲公所誅以導亂而死故摠書

後莫敢復責

大夫六卿遂相與比周專晉國君還事之

五行志

師古曰六卿謂范氏中行氏智氏韓魏趙也

日比再食其事在春秋

後故不載於經劉歆以為魯趙分左氏傳

平子白

師古曰季平子

唯正月朔慝未作日有食之

於是乎天子不舉伐鼓於社諸侯用幣於

社伐鼓於朝禮也其餘則否太史曰在此

月也日過分而未至三辰有災百官降物

君不舉避移時樂奏鼓祝用幣史用辭嗇

夫馳庶人走此月朔之謂也當夏四月是

謂孟夏說曰正月謂周六月夏四月正陽
純乾之月也應謂陰交也冬至陽交起初
故曰復至建巳之月為純乾云陰交而陰
侵陽為災重故伐鼓用幣責陰之禮降物
素服也不舉去樂也避移時避正堂須時
移災復也齋夫掌幣吏庶人其徒役也劉
歆以為六月二日魯趙分二十一年七月
壬午朔日有食之董仲舒以為周景王老

五行志

劉子單子專權

師古曰已解於上

蔡侯朱驕君巨不

說之象也

師古曰蔡侯朱蔡平公之子說讀曰悅

後蔡侯朱果出

奔

師古曰昭二十一年出奔楚

劉子單子立王猛劉歆以為

五月二日魯趙分二十二年十二月癸酉

朔日有食之董仲舒以為宿在心天子之

象也後尹氏立王子朝天王居于狄泉

師古

曰天王敬王也避子朝之難故居狄泉

劉歆以為十月楚鄭分二

十四年五月乙未朔日有食之董仲舒以

為宿在胃魯象也後昭公為季氏所逐劉
向以為自十五年至此歲十年間天戒七

見人君猶不寤後楚殺我蠻子師古曰昭十
六年楚子誘

戎蠻子殺之戎蠻
國在河南新城縣晉滅陸渾戎師古曰十七年晉
荀吳帥師滅陸渾

之戎其地今陸渾縣是也盜殺衛侯兄師古曰衛靈公兄也各
繫二十年為齊豹所殺

以豹不義故貶稱盜蔡莒之君出奔師古曰蔡君
即朱也莒君

莒子庚輿也二十三年出奔魯吳滅巢師古曰二十四年吳滅巢巢
吳楚間小國即居巢城楚也

公子光殺王僚師古曰事在
二十七年宋三臣以邑叛

五行志

其君師古曰二十一年宋華亥向寧
華定入于宋南里以叛是也它如仲舒

劉歆以為二日魯趙分是月斗建辰左氏

傳梓慎曰將大水師古曰梓
慎魯大夫昭子曰旱也師
古

昭子曰日過分而陽猶不克必甚能無旱

乎孟康曰謂春分後陰多陽少
為不克陽勝則盛故言甚陽不克莫將積聚

也蘇林曰莫莫爾
不勝為積聚也是歲秋大雩旱也二至二分

日有食之不為灾日月之行也春秋分日

夜等故同道冬夏至長短極故相遇相遇

夜等故同道冬夏至長短極故相遇相遇

同道而食輕不為大灾水旱而已三十一

年十二月辛亥朔日有食之董仲舒以為

猶在心天子象也時京師微弱後諸侯果

相率而城周師古曰定元年晉魏舒合諸侯宋

中幾亡尊天子之心而不衰城師古曰中幾

謂以差次受功賦也衰音初為反一曰衰讀曰劉向

以為時吳滅徐師古曰事在而蔡滅沈師古曰

蔡公孫姓楚圍蔡吳敗楚入郢昭王走出師古曰

五行志一

曰事並在劉歆以為二日宋燕分定公五年

三月辛亥朔日有食之董仲舒劉向以為

後鄭滅許師古曰六年鄭游速帥魯陽虎作亂

竊寶玉大弓季桓子退仲尼宋三臣以邑

叛師古曰已劉歆以為正月二日燕趙分十

二年十一月丙寅朔日有食之董仲舒劉

向以為後晉三大夫以邑叛薛弒其君師古

曰十二年晉趙鞅入于晉陽以叛荀楚滅頓胡師古

寅士吉射入朝歌以叛薛殺其君比

為朔二十七二日七晦二左氏以為朔十
六二日十八晦一不書日者二高帝三年
十月甲戌晦日有食之在斗二十度燕地
也後二年燕王臧荼反誅立盧綰為燕王
後又反敗十一月癸卯晦日有食之在虛
三度齊地也後二年齊王韓信徙為楚王
明年廢為列侯後又反誅九年六月乙未
晦日有食之既在張十三度惠帝七年正

五行志

月辛丑朔日有食之在危十二度谷永以

為歲首正月朔日是為三朝尊者惡之五

月丁卯先晦一日日有食之幾盡師古曰幾音鉅依反

後皆類此在七星初劉向以為五月微陰始起而

犯至陽其占重至其八月宮車晏駕有呂

氏詐置嗣君之害京房易傳曰凡日食不

以晦朔者名曰薄人君誅將不以理或賊

臣將暴起日月雖不同宿陰氣盛薄日光

也高后二年六月丙戌晦日有食之七年
正月己丑晦日有食之既在營室九度為
宮室中時高后惡之曰此為我也明年應
師古曰謂高后崩也文帝二年十一月癸卯晦日有食
之在婺女一度三年十月丁酉晦日有食
之在斗二十二度十一月丁卯晦日有食
之在虛八度後四年四月丙辰晦日有食
之在東井十三度七年正月辛未朔日有

食之景帝三年二月壬午晦日有食之在
胃二度七年十一月庚寅晦日有食之在
虛九度中元年十二月甲寅晦日有食之
中二年九月甲戌晦日有食之三年九月
戊戌晦日有食之幾盡在尾九度六年七
月辛亥晦日有食之在軫七度後元年七
月乙巳先晦一日日有食之在翼十七度
武帝建元二年二月丙戌朔日有食之在

奎十四度劉向以為奎為卑賤婦人後有
衛皇后自至微興卒有不終之害師古曰皇
后自殺不
終其三年九月丙子晦日有食之在尾二
度五年正月己巳朔日有食之元光元年
二月丙辰晦日有食之七月癸未先晦一
日日有食之在翼八度劉向以為前年高
園便殿災與春秋御廩災後日食於翼軫
同其占內有女變外為諸侯其後陳皇后

廢江都淮南衡山王謀反誅日中時食從
東北過半晡時復元朔二年二月乙己晦
日有食之在胃三度六年十一月癸丑晦
日有食之元狩元年五月乙己晦日有食
之在柳六度京房易傳推以為是時日食
從旁右法曰君失臣明年丞相公孫弘薨
日食從旁左者亦君失臣從上者臣失君
從下者君失民元鼎五年四月丁丑晦日

有食之在東井二十三度元封四年六月
己酉朔日有食之太始元年正月乙巳晦
日有食之四年十月甲寅晦日有食之在
斗十九度征和四年八月辛酉晦日有食
之不盡如鉤在元二度晡時食從西北日
下晡時復昭帝始元三年十一月壬辰朔
日有食之在斗九度燕地也後四年燕刺
王謀反誅元鳳元年七月乙亥晦日有食

五行志

之幾盡在張十二度劉向以為己亥而既

其占重

孟康曰己上一亥水也純陰故食為最重也一日食盡為既

後六年宮

車晏駕卒以元嗣宣帝地節元年十二月

癸亥晦日有食之在營室十五度五鳳元

年十二月乙酉朔日有食之在婺女十度

四年四月辛丑朔日有食之在畢十九度

是為正月朔慝未作左氏以為重異元帝

永光二年三月壬戌朔日有食之在婁八

度四年六月戊寅晦日有食之在張七度
建昭五年六月壬申晦日有食之不盡如
鉤因入成帝建始三年十二月戊申朔日
有食之其夜未央殿中地震谷永對曰日
食婺女九度占在皇后地震蕭牆之內咎
在貴妾師古曰蕭牆謂門屏也蕭二者俱發明
同事異人共掩制陽將害繼嗣也師古曰日食
則妾不見師古曰但下例並同

五行志

異日而發則似殊事亡故動變則恐不知
是月后妾當有失節之郵師古曰郵與尤同尤過也故天
因此兩見其變若曰違失婦道隔遠衆妾師古曰遠音于萬反妨絕繼嗣者此二人也杜欽對亦
曰日以戊申食時加未戊未土也中宮之
部其夜殿中地震此必適妾將有爭寵相
害而為患者師古曰適讀曰嫡人事失於下變象見
於上能應之以德則咎異消忽而不戒則

禍敗至師古曰應之非誠不立非信不行河

平元年四月己亥晦日有食之不盡如鉤

在東并六度劉向對曰四月交於五月月

同孝惠日同孝昭東并京師地且既其占

恐害繼嗣日蚤食時從西南起三年八月

乙卯晦日有食之在房四年三月癸丑朔

日有食之在昴陽朔元年二月丁未晦日

有食之在胃永始元年九月丁巳晦日有

五行志

食之谷永以京房易占對曰元年九月日

蝕酒云節之所致也獨使京師知之四國

不見者若曰湛涵于酒君臣不別禍在內

也師古曰湛又曰沈又讀曰沈永始二年二月乙酉晦日有

食之谷永以京房易占對曰今年二月日

食賦斂不得度民愁怨之所致也所以使

四方皆見京師陰蔽者若曰人君好治宮

室大營墳墓賦斂茲重而百姓屈竭師古曰茲

益也屈盡也音其勿反禍在外也三年正月己卯晦日
有食之四年七月辛未晦日有食之元延
元年正月己亥朔日有食之哀帝元壽元
年正月辛丑朔日有食之不盡如鉤在營
室十度與惠帝七年同月日二年三月壬
辰晦日有食之平帝元始元年五月丁巳
朔日有食之在東并二年九月戊申晦日
有食之既凡漢著紀十二世二百一十二

五行志

年日食五十三朔十四晦三十六先晦一
日三成帝建始元年八月戊午晨漏未盡
三刻有兩月重見京房易傳曰婦貞厲月
幾望君子征凶師古曰小畜上九爻辭也幾音鉅依反言君弱而
而婦彊為陰所乘則月並出晦而月見西
方謂之朏朔而月見東方謂之仄慝孟康曰朏者月
行疾在日前故早見仄慝者行遲在日仄慝則侯王
後當沒而更見師古曰朏音吐了反其肅朏則侯王其舒劉向以為朏者疾也

君舒緩則臣驕慢故日行遲而月行疾也
仄慝者不進之意君肅急則臣恐懼故日
行疾而月行遲不敢迫近君也不舒不急
以正失之者食朔日劉歆以為舒者侯王
展意顓事臣下促急故月行疾也肅者王
侯縮胸不任事服虔曰胸音忸怩之忸鄭氏曰不任事之貌也師古曰胸音女六反
臣下弛縱故月行遲也師古曰弛放也音式爾反當春秋
時侯王率多縮胸不任事故食二日仄慝

五行志

者十八食晦日朏者一此其效也考之漢
家食晦朏者三十六終云二日仄慝者歆
說信矣此皆謂日月亂行者也元帝永光
元年四月日色青白亡景韋昭曰日下無景也無景謂唯質見耳
正中時有景亡光韋昭曰無光曜也是夏寒至九月
日乃有光京房易傳曰美不上人茲謂上
弱厥異日白七日不溫順云所制茲謂弱
孟康曰君順從於臣下無所能制日白六十日物亡霜而死天

子親伐茲謂不知日白體動而寒弱而有
 任茲謂不亡日白不温明不動辟僉公行
 茲謂不伸孟康曰辟君也厥異日黑大風起天
 無雲日光晦師古曰晦與闇同也不難上政茲謂見過
 日黑居仄大如彈丸成帝河平元年正月
 壬寅朔日月俱在營室時日出赤二月癸
 未日朝赤且入又赤夜月赤甲申日出赤
 如血云光漏上四刻半乃頗有光燭地赤

一書

黃食後乃復京房易傳曰辟不聞道茲謂
 云厥異日赤二月乙未日出黃有黑氣大
 如錢居日中央京房易傳曰祭天不順茲
 謂逆厥異日赤其中黑聞善不予茲謂失
 知厥異日黃夫大人者與天地合其德與
 日月合其明故聖王在上總命羣賢以亮

天功

師古曰唐書舜典帝曰咨二十有二人欽哉惟
 時亮天功謂敕六官十二牧四嶽令各敬其職

事信定其功順天則日之光明五色備具燭耀

云主有主則為異應行而變也色不虛改
形不虛毀觀日之五變足以監矣故曰縣
象著明莫大乎日月此之謂也嚴公七年
四月辛卯夜恒星不見夜中星隕如雨董
仲舒劉向以為常星二十八宿者人君之
象也眾星萬民之類也列宿不見象諸侯
微也眾星隕墜民生其所也夜中者為中
國也不及地而復象齊桓起而救存之也

五行志

鄉云桓公星遂至地中國其良絕矣

師古曰鄉

讀曰鄉中國中夏之國也良猶信也

劉向以為夜中者言不得終

性命中道敗也或曰象其叛也言當中道

叛其上也天垂象以視下

師古曰視

將欲人

君防惡遠非慎卑省微以自全安也

師古曰遠離也

省視如人君有賢明之材畏天威命若高宗

謀祖已

師古曰謂殷之武丁有雉雉之異而祖已訓諸王作高宗彤日高宗之訓

成王

泣金縢

師古曰武王有疾周公作金縢之書為王請命王翌日乃瘳後武王崩成王即位管蔡流

大略

卷之三

三

言而周公居東天大雷電以風禾盡偃大木斯拔王啓
金滕乃得周公代武王之說王執書以泣遣使者逆公
王出郊天乃雨反風禾則盡起改過修正立信布德存亡繼
絕修廢舉逸下學而上達師古曰下學謂博謀於羣下也上達謂通於天道裁什一之稅復三日之役師古曰古之田租十稅其一歲役北庶不過三日也節用儉服以惠百姓則諸侯懷
德士民歸仁災消而福興矣遂莫肯改寤
法則古人而各行其私意終於君臣乖離
上下交怨自是之後齊宋之君弒師古曰莊八年齊無

五行志

知弒其君諸兒十二譚遂邢衛之國滅師古曰十年宋萬弒其君捷也譚遂邢衛之國滅師古曰十年齊人滅遂閔二年狄人入衛僖二十五年衛侯燬滅邢宿遷於宋師古曰莊十年宋人遷宿蓋取其地也宿國東平無鹽縣是也蔡獲於楚師古曰莊十年荆敗蔡師于辛以蔡侯獻舞歸也晉相弒殺五世乃定師古曰謂殺懷公也自獻公以至文公反國凡易五君乃定此其效也左氏傳曰恒
星不見夜明也星隕如雨與雨偕也劉歆
以為晝象中國夜象夷狄夜明故常見之
星皆不見象中國微也星隕如雨如而也

大九十九

卷之六

三三

星隕而且雨故曰與雨偕也明雨與星隕

兩變相成也洪範曰庶民惟星易曰雷雨

作解師古曰解卦象辭也是歲歲在云移齊分壘也夜

中而星隕象庶民中離上也雨以解過施

復從上下象亦相行伯復興周室也師古曰伯讀曰

霸周四月復二月也日在降婁魯分壘也

先是衛侯朔奔齊衛公子黔牟立齊帥諸

侯伐之天子使使救衛師古曰已魯公子溺

五行志

顓政會齊以犯王命

師古曰溺魯大夫名也莊三年溺會齊師伐衛疾其

專命故賜而去族天子救衛而溺伐之故云犯王命

嚴弗能止卒從而伐

衛逐天王所立

師古曰謂妨也午也

不義至甚而自以

為功民去其上政繇下作

師古曰繇讀與由同次下亦同

尤

著故星隕於魯天事常象也成帝永始二

年二月癸未夜過中星隕如雨長一二丈

繹繹未至地滅

師古曰繹繹光采貌

至雞鳴止谷永對

曰日月星辰燭臨下土其有食隕之異則

遐邇幽隱靡不咸睹星辰附離于天猶庶
民附離王者也王者失道綱紀廢頓下將
叛去故星叛天而墮以見其象春秋記異
星墮最大自魯嚴以來至今再見臣聞三
代所以喪亡者皆繇婦人羣小湛湎於酒
師古曰湛讀曰沈又讀曰耽其下亦同書云乃用其婦人之言四
方之逋逃多罪是信是使師古曰周書泰誓也言紂惑於妲己而昵
近云逃罪人信用之詩曰赫赫宗周褒姒威之師古曰小雅正月之

五行志

詩也已解於上顛覆厥德荒沈于酒師古曰雅抑之詩

威音許悅反也刺王傾敗其德荒廢政事而耽酒及秦所以二世而亡者養生

大奢奉終大厚方今國家兼而有之社稷

宗廟之大憂也京房易傳曰君不任賢厥

妖天雨星文公十四年七月有星孛入于

北斗董仲舒以為孛者惡氣之所生也謂

之孛者言其孛孛有所妨蔽闇亂不明之

貌也北斗大國象後齊宋魯晉皆弑君

大元十九

五行志

三十四

師古曰文十四年齊公子商人弒其君舍十六年宋人弒其君杵臼十八年襄仲殺惡及視昔弒其君庶其宣

二年晉趙穿攻靈公於桃園 劉向以為君臣亂於朝政令

虧於外則上濁三光之精五星羸縮變色

逆行甚則為孛北斗人君象孛星亂臣類

篡殺之表也星傳曰魁者貴人之牢又曰

孛星見北斗中大臣諸侯有受誅者一曰

魁為齊晉夫彗星較然在北斗中天之視

人顯矣師古曰視史之有占明矣時君終不

五行志

改寤是後宋魯莒晉鄭陳六國咸弒其君

師古曰宋魯莒晉已解於上宣四年鄭公子歸生弒其君夷十年陳夏徵舒弒其君平國齊再弒

焉師古曰再弒者謂商人殺舍而閭職等又殺商人中國既亂夷狄並侵

兵革從橫楚乘威席勝深入諸夏師古曰謂

六侵伐師古曰謂宣十一年春楚子圍鄭夏與晉師戰于邲晉師敗績十二年楚子伐宋十四年

楚子圍宋成二年楚師侵衛遂侵魯師于蜀成六年楚公子嬰齊帥師伐鄭一滅國師古

宣十二年觀兵周室師古曰已晉外滅二國師古

曰謂宣十五年晉滅赤狄路氏十六年滅赤狄甲氏也內敗王師師古曰謂成元年晉敗王

師于賀師古曰謂又連三國之兵大敗齊師于鞏

成二年晉郤克會魯季孫行父衛孫良夫曹公子首及齊侯戰于鞏齊師敗績鞏齊地追云逐

北東臨海水師古曰謂逐之二周華不注又從威

陵京師武折大齊皆孛星炎之所及流至

二十八年師古曰炎音弋星傳又曰彗星入北

斗有大戰其流入北斗中得名人孟康曰謂

不入失名人宋華元賢名大夫大棘之戰

華元獲於鄭師古曰宣二年宋華元帥師及鄭公

五行志

大棘宋地傳舉其效云左氏傳曰有星孛北斗

周史服曰不出七年宋齊晉之君皆將死

亂師古曰史服周劉歆以為北斗有環域四星

入其中也斗天之三辰綱紀星也宋齊晉

天子方伯中國綱紀彗所以除舊布新也

斗七星故曰不出七年至十六年宋人弒

昭公師古曰十八年齊人弒懿公師古曰宣

公二年晉趙穿弒靈公昭公十七年冬有

星孛于大辰董仲舒以為大辰心也心為
明堂天子之象後王室大亂三王分爭此
其效也師古曰三王已解於上劉向以為星傳曰心大
星天王也其前星太子後星庶子也尾為
君臣乖離孛星加心象天子適庶將分爭
也師古曰適讀曰嫡其在諸侯角亢氏陳鄭也房心
宋也後五年周景王崩王室亂大夫劉子
單子立王猛尹氏召伯毛伯立子鼂子鼂

五行志

楚出也

師古曰姊妹之子曰出

時楚彊宋衛陳鄭皆南

附楚王猛既卒敬王即位子鼂入王城天
王居狄泉莫之敢納五年楚平王居卒子
鼂奔楚王室乃定後楚帥六國伐吳吳敗
之于雞父殺獲其君臣師古曰昭二十三年楚遠越帥師及頓胡沈蔡

陳許之師與吳師戰于雞父楚師敗績胡子髡沈蔡子逞滅獲陳大夫夏齧雞父楚地也父讀曰甫蔡

怨楚而滅沈楚怒圍蔡吳人救之遂為柏
舉之戰敗楚師屠郢都妻昭王母鞭平王

墓

師古曰沈楚之與國定四年四月蔡公孫姓帥師滅
沈以沈子嘉歸秋楚為沈故圍蔡冬吳興師以救之
與楚戰于柏舉楚師敗績庚辰吳入郢君舍乎君
室大夫舍乎大夫室妻楚王之母捷平王之墓也此

皆孛彗流炎所及之效也左氏傳曰有星
孛于大辰西及漢申繻曰彗所以除舊布
新也師古曰申
須魯大夫天事怕象今除於火火出必
布焉諸侯其有火災乎梓慎曰往年吾見
是其徵也火出而見今茲火出而章必火
入而伏其居火也久矣其與不然乎火出

五行志

於夏為三月於商為四月於周為五月夏
數得天若火作其四國當之在宋衛陳鄭
乎宋大辰之虛陳太昊之虛鄭祝融之虛
師古曰虛讀皆
曰墟其下並同皆火房也星孛及漢漢水祥
也衛顛頊之虛其星為大水水火之牡也

張晏曰水以天一為地二牡丙與午南
方火也子及壬北方水也又其配合其以丙子

若壬午作乎水火所以合也若火入而伏
必以壬午不過見之月明年夏五月火始

昏見丙子風梓慎曰是謂融風火之始也

張晏曰融風立春木風也火之母也火所始生也淮南子曰東北曰炎風高誘以為良氣所生也炎風一曰融

風七日其火作乎張晏曰自丙子至壬午凡七日既其配合之日又火以七為紀

戊寅風甚壬午太甚師古曰太甚者又更甚也宋衛陳鄭

皆火劉歆以為大辰房心尾也八月心星

在西方孛從其西過心東及漢也宋大辰

虛謂宋先祖掌祀大辰星也陳太昊虛處

義木德火所生也師古曰處讀與伏同鄭祝融虛高辛

五行志

氏火正也故皆為火所舍衛顓頊虛星為

大水營室也天星既然又四國失政相似

及為王室亂皆同哀公十三年冬十一月

有星孛于東方董仲舒劉向以為不言宿

名者不加宿也孟康曰不在二十八宿之中也以辰乘日而

出亂氣蔽君明也明年春秋事終一曰周

之十一月夏九月日在氏出東方者軫角

亢也軫楚角亢陳鄭也或曰角亢大國象

大二十

為齊晉也其後楚滅陳師古曰襄十七年楚公孫朝帥師滅陳也田

氏篡齊師古曰齊平公十三年春秋之傳終矣平公二十五年卒卒後七十年而康公為田和所

滅六卿分晉師古曰晉出公八年春秋之傳終矣出公十七年卒卒後八十年至靜公

為韓魏趙所滅而三分其地蓋晉之衰也六卿擅權其後范氏中行氏智氏滅而韓魏趙兼其土田人眾故惣

言六卿分晉也此其效也劉歆以為李東方大辰也

不言大辰且而見與日爭光星入而彗猶

見是歲再失閏十一月實八月也日在鶉

火周分野也十四年冬有星孛在獲麟後

五行志

劉歆以為不言所在官失之也高帝三年

七月有星孛于大角旬餘乃入劉向以為

是時項羽為楚王伯諸侯師古曰伯讀曰霸而漢已

定三秦與羽相距滎陽天下歸心於漢楚

將滅故彗除王位也一曰項羽阮秦卒燒

宮室弒義帝亂王位故彗加之也文帝後

七年九月有星孛于西方其本直尾箕末

指虛危長丈餘及天漢十六日不見劉向

大二十四十七

以爲尾宋地今楚彭城也箕爲燕又爲吳越齊宿在漢中負海之國水澤地也是時景帝新立信用鼂錯將誅正諸侯王其象先見後三年吳楚四齊與趙七國舉兵反師古曰四齊膠東膠西菑川濟南也比身誅滅云武帝建元六年六月有星孛于北方劉向以爲明年淮南王安入朝與太尉武安侯田蚡有邪謀而陳皇后驕恣其後陳后廢而淮南王反誅入

五行志

月長星出于東方長終天三十日去占曰是爲蚩尤旗見則王者征伐四方其後兵誅四夷連數十年元狩四年四月長星又出西北是時代胡尤甚元封元年五月有星孛于東井又孛于三台其後江充作亂京師紛然此明東井三台爲秦地效也宣帝地節元年正月有星孛于西方去太白二丈所劉向以爲太白爲大將孛孛加之

婦滅象也明年大將軍霍光薨後二年家
夷滅成帝建始元年正月有星孛于營室
青白色長六七丈廣尺餘劉向谷永以為
營室為後宮懷任之象彗星加之將有害
懷任絕繼嗣者一曰後宮將受害也其後
許皇后坐祝詛後宮懷妊者廢趙皇后立
妹為昭儀害兩皇子上遂無嗣趙后姊妹
卒皆伏辜元延元年七月辛未有星孛于

五行志

東井踐五諸侯

孟康曰五諸侯星名

出河戍北率行軒

轅太微後日六度有餘晨出東方十二日
夕見西方犯次妃長秋斗填蠡炎再貫紫
宮中大火當後達天河除於妃后之域南
逝度犯大角攝提至天市而按節徐行

服虔

曰謂行遲

炎入市中旬而後西去五十六日與倉

龍俱伏谷永對曰上古以來大亂之極所
希有也察其馳騁驟步芒炎或長或短所

歷奸犯師古曰奸音干內為後宮女妾之害外為諸
夏叛逆之禍劉向亦曰三代之亡攝提易
方秦項之滅皇李太角是歲趙昭儀害兩
皇子後五年成帝崩昭儀自殺哀帝即位
趙氏皆免官爵徙遼西哀帝亡嗣平帝即
位王莽用事追廢成帝趙皇后哀帝傳皇
后皆自殺外家干傳皆免官爵徙合浦歸
故郡平帝亡嗣莽遂篡國釐公十六年正

五行志

月戊申朔隕石于宋五是月六鷓退飛過
宋都董仲舒劉向以為象宋襄公欲行伯
道將自敗之戒也師古曰伯讀曰霸石陰類五陽數

自上石隕此陰而陽行欲高反下也石與
金同類色以白為主近白祥也鷓水鳥六
陰數退飛欲進反退也其色青青祥也屬
於貌之不恭天戒若曰德薄國小勿持炆
陽欲長諸侯與疆大爭必受其害襄公不

寤明年齊桓死伐齊喪師古曰僖十七年齊桓公卒十八年宋襄公以諸侯伐齊

執滕子圍曹師古曰十九年三月宋人圍曹為孟之會

與楚爭盟卒為所執後得反國師古曰二十一年春為鹿

上之盟秋會于孟於是楚執宋公以伐宋冬會于薄以釋之鹿上孟薄皆宋地不悔過自責

復會諸侯伐鄭與楚戰于泓軍敗身傷為

諸侯笑師古曰二十二年夏宋公衛侯許男滕子伐鄭十一月宋公及楚人戰於泓宋師敗績公

傷股門官殲焉二十三年卒傷於泓故也泓水名也音於宏反左氏傳曰隕石星

也鷓退飛風也宋襄公以問周內史叔與

五行志

曰是何祥也吉凶何在對曰今茲魯多大

喪明年齊有亂師古曰今茲謂此年君將得諸侯而不終

退而告人曰是陰陽之事非吉凶之所生

也吉凶繇人吾不敢逆君故也師古曰繇讀與由同是

歲魯公子季友鄆季姬公孫茲皆卒師古曰僖

十六年二月公子季友卒四月季姬卒七月公孫茲卒季姬魯女適鄆者也公孫茲叔孫戴伯也明

年齊桓死適庶亂師古曰適讀曰嫡宋襄公伐齊行

伯卒為楚所敗師古曰已解於上伯讀曰霸劉歆以為是

歲歲在壽星其衝降婁師古曰降音胡江反降婁魯分

壘也故為魯多大喪正月日在星紀厭在

五枵五枵齊分壘也石山物齊大嶽後師古

曰齊姜姓也其先為堯之四嶽四嶽分掌四方諸侯五石象齊相卒而五

公子作亂師古曰五公子謂無虧也故為明年齊

有亂庶民惟星隕於宋象宋襄將得諸侯

之衆而治五公子之亂星隕而鵲退飛故

為得諸侯而不終六鵲象後六年伯業始

五行志

退執於孟也師古曰伯讀曰霸民反德為亂亂則妖灾

生言吉凶繇人然后陰陽衝厭受其咎齊

魯之灾非君所致故曰吾不敢逆君故也

京房易傳曰距諫自彊茲謂卻行厥異鵲

退飛適當黜則鵲退飛師古曰適讀曰嫡惠帝二年

隕石繇諸壹師古曰繇諸道也屬天水郡也武帝征和四年

二月丁酉隕石雍二天晏亡雲聲聞四百

里師古曰雍扶風之縣也晏天清也元帝建昭元年正月戊辰

隕石梁國六成帝建始四年正月癸卯隕

石棗四肥累一孟康曰皆縣名也故屬真定師古曰棗音工老反累音力追反陽

朔二年二月壬戌隕石白馬八師古曰東郡之縣名鴻

嘉二年五月癸未隕石杜衍三師古曰南陽之縣名元

延四年三月隕石都關二師古曰山陽之縣名哀帝建

平元年正月丁未隕石北地十其九月甲

辰隕石虞二師古曰梁國之縣名平帝元始二年六月

隕石鉅鹿二自惠盡平隕石凡十一皆有

五行志

光耀雷聲成哀尤屢

右將監本杭本越本及三劉宋祁諸

本參校其有同異並附於古註之下

五行志第七下之下

正文致阡貳伯宋拾致字

註文伍阡伍伯陸拾伍字

